

Uustehase

Et jit se; dänn sonß wör jō en
de Uuste-Neißjere ¹ nüüß dren!
Et jit se; dänn sonß wütte ² Kenge
jō nirjens Uuste-Eie fenge.

Bluuß rōone ³ on vermute kamme,
wōher die Uustehase stamme.
On dat ərōmmjerätselt wid,
va wann aa et su-n Hase jit,
bewieß em Jrong ⁴, wie onjeweiß
die Wissensschaff sisch he nauch eß.

At jenerazijuunelang
sen Uustehase he op Jank
on draare Uuste-Eie us,
va Strōōß ze Strōōß, va Huus ze Huus.
Ene Has brenk Eie em Jalopp,
helt sisch net met Ermahne op,
hä frooch bestemmp net, of me jet
Verboenes usjefreiße hät.
Och fäelt Hans Muff met senge Sack,
dä Kenge bejm Schlawittsche pack.
Dröm eß ene Uustehas met Kiep ⁵
bej alle Kenge su belieb.

At frōhsch em Johr, em Januaa,
dō fange se jewōhnlisch aa.
Dann send de Hase bej die Honde ⁶
de allerbeißte Eie-Konde.
Ene Has kööf miēschdens en e Hondes ⁷,
dat-e joo kännnt on wō-e Kond eß ⁸.
Am wischtisde eß ävve jetz,
dat-e ene Koofverdraach besetz.
Dänn ohne jültije Verdräasch
kee Hohn fü Hase Eie lääsich.

¹ Osternestchen ² würden ³ raten ⁴ im Grunde ⁵ Rücken-
tragekorb ⁶ Hühner ⁷ Hühnerstall, Hühnerhaus ⁸ Kunde ist

Die Mamm dõheem, die waat at drop
on sätz ene Keißel Wawße op,
fenk de Fonööß ¹ dann aan ze stauche,
fü all die Eie iesch ze kauche.
E Põsch-Ei ² eß net õhne Ironk
janz häll jekauch ³ on emme bonk.
Dröm schärf me Hase-Kenge en :
e Ei hät häll jekauch ze sen.

Dann fange se Ängs Februaa
met Färve on met Mõõle aa.
Frõhmorjens jeet et emme lauß
bes spõõt des Qõvends õhne Paus.

Ene Has dä maat em Jruëße Janze
die Färf für Eie mä us Planze.
Met heeße Öllischschaale-Brõh ⁴,
Karuute-Saff on Schwazze Tee,
met Brõh us wäleke Bläe ⁵ van Birke
deet-e bejm Eie-färve wirke.

Wie ävve kântt ene Has de Klüere ⁶?
Wõ deet-e Eie-mõõle lihre?
Su frõõre sisch jetz ongedässe
wahl all die Lü, die dat net wesse.
Dat lihre die net irjendwann,
dat könne die va kleen op aan.
Dänn dat Hantiere met de Färf
han Hase-Kenge at je-ärf ⁷.
E Sprischwoet säät: »De Uustehase
send tösche Färfpõtt opjewaaße.«

Dat heesch nu net, dat all va dänne
och *schön* on *rischtisch* mõõle könne.
Ene jede Has dä hät däswwäaje
en Hase-Prõfung afzeläaje.
Wer schmiert on ze völl kläcks bejm Mõõle,
moß dat Exame wiẽhõlle.
Wer kreativ eß on net domm,
dä kritt suja e Mõõl-Diploom.
Och jit et Hase, die verstõnn,
jeschick mem Pinsel õmzejõnn.
Die dont die Eie nauch met dõlle
Verzierungsmustere bemõõle.

¹ Herd ² Osterei ³ hart gekocht ⁴ Zwiebelschalenbrühe
⁵ Blätter ⁶ Farben ⁷ geerbt

Bej su e kott Säsongjeschäff
dõ bruche Hase Arbeitskräff.
Dat heesch, an Uustere dõ se se
op jede Ushölöp aajewese.
Et färve daachlang Alt on Jong
die Eie ruut on jrön on brong.
Well me bejm Färve sisich ens zaue ¹,
maat me dr janze Daach mä blaue.
On weil me jõ de Uswahl hät,
färf me daachsdrop dann violätt.
Die Hase-Kenge freue sisich
on waade at janz iggelistisch ²,
fü werrem ene Ämmel Koçle ³
of ene Ärvel ⁴ Holz ze hõlle.
On sälefs et jöngste Hasepüütsche ⁵
pack Zucke-Eie en e Tüütsche.

Die Eie komme jee nõ Färf
dõnõh en ene extra Körf.
Se lääje Eie och en Mange ⁶,
fü jede änkele Färf en ange.
On laane dann, statt se ze draare,
die Eie-Körf op Schörreskaare ⁷.

Karfriedaach jeet dat Eie-Färve
dän Hase langsam op de Närve.
Et eß dann och at hüükste Zik
fü ene alde Hasetrick :
De Eie, dat se jlänzend blieve,
janz met en Späckschwad ⁸ enzerieve.

Us Eie, bonk jefärf of wiß,
dõ maache Hase sälefs sisich nüüß.
Weil Eie se net läcker fenge,
verschänke se se a de Kenge.
Wat Uustehase wirklichsch schmaat,
send Muhre, Kättestrüsich on Schlaat ⁹.
Dat eß jõ och van Kning ¹⁰ bekank.
Die send met Hase äng verwank.

¹ beelen ² zappelig, übereifrig ³ Eimer Kohlen
⁴ einen Arm voll ⁵ Hasenkindchen ⁶ Körbe mit zwei
Traggriffen ⁷ Schubkarren ⁸ Speckschwarte ⁹ Möhren,
Löwenzahn, Salat ¹⁰ Kaninchen

Ene jede Uustehas dä maat
seng Eieladung sälefs parat,
on lääsch die Uuste-Eie en
seng eeje Eie-Kiep ɛren.
Dä övveschte ¹ Has deet all ermahne,
dr Wäęsch ² em Vüruus joo ze plane,
bejm Hoęke-schlõnn ³ nüüß ze räskiere,
on joę keen Eie ze verliere,
kee enzisch Kenk ze övveschlõnn
on ene Wäęsch net zweimõql jõnn.
Dann jävve sisch em janze Lank
die Uustehase all op Jank.
Su sit me met e beßje Jlöck
ens Hase met en Kiep om Röck.

Et maat ene jruęße Ongescheed,
wann Uustere om Kalände steet.
Wänn Ängs Aprel dä Fiędaach ⁴ eß,
lööf alles janz proqrammjemääß.
Op aafangs Mäęz dõ kann et ävve
terminlisch Schwierischkeete jävve.
Dann moß ene Has sisch dubbel schlõnn,
fü all si Uustewerk ze donn.

Van Wißwiele bes en de Au
bemerck me keene Ihl on Zauh ⁵.
Och tösche Rüh on Haasterõth
dõ komme Hase nie ze spõõt.
Se levvere koräk on brav
de Eie promp on pünklisch aaf.
Dänn vür et Uustefröhstöck welle
de Kenge »Eie-kippe« spelle.
Als Rejel jelt dõbej bes jetz
mä: »Bõll a Bõll« of »Spetz a Spetz«.
Me titsch ⁶ bejm Eiekippe nie
die spetze schän die stompe Sie.
Jewenne deet am Äng, wer dann
et beißte »Eie-kippe« kann.
Dä Siejer krit op jede Fall
dat Ei met die kapõdde Schaal.

¹ oberste ² Weg ³ Hakenschlagen ⁴ Feiertag ⁵ Hast, Eile
⁶ aneinander schlagen

At döckes eß die Fröçch opkomme :
»Wat deet ene Uustehas em Somme?«
Se han dann Zik, dat nõzeholle,
wat lijje blevve eß bejm Mõçle:
Kapõdde Kiepe repariere,
et Höçke-schlõnn em Fäld träniere;
De Pinsele on ange Saache
ens werrem jrönklisch sauber maache;
Adrässe övvepröve, wänn
Famellije ömjetrocke sen.
Se send met Freud am frickele ¹
fü Färve ze äntwickelē,
on donn sisch och ene Schlaach ens sätze,
statt emme mä çrömmzehätze.
Se koofe sisch op Vürrõçt Öllisch ²,
(dat eß jetz usjesprauche bellisch!)
Et eß kee Fönkelholz ³ em Schõpp,
de Oçvenspief eß janz verstopp ...

Et jit – dat kamme jetz verstõnn –
et janze Johr ene Hoof ze donn.
Me wongæt sisch dann emme wie
wie die dat all jereejelt krijje.
Dauch Uustehase wirke jäç
on brassele ⁴ bej Wenk on Wäç.
Se schravele ⁵ johr-us, johr-en,
bes dat se alt jewudde sen.
Dröm eß en usjemaade Saach :
Ene Uustehas wid net jeschlach !
Dä jeet om alde Daach en Ränte
on stirf dann och em Böischjelände.

Die Tätischkeet van Uusterhase
die kamme su zesaamefasse:
Se färve Eie mangewies ⁶,
verziere se och met völl Fließ
on donn se dann de Kenge brenge,
dat die se Uustesonndaach fenge.
On maache sisch völl Werk dõmet.

Dauch - Eie *lääje* donn-se net.

¹ Geduldsarbeit verrichten, sich zu schaffen machen
² Zwiebeln ³ Anfeuerholz ⁴ schuften ⁵ sich abmühen
⁶ körbeweise